

大戴禮記解詁

大戴禮記解詁卷之八

南城王聘珍學

子張問入官第六十五

子張問入官於孔子孔子曰安身取譽爲難也

官猶仕也

安定也易曰君子安其身而後動又曰危以動則民不與也譽聲美也詩曰在彼無惡在此無射庶幾夙夜以永終譽子張曰安身取譽如何孔子曰有善勿專教

不能勿損已過勿發失言勿跼不善辭勿遂行事勿

畱君子入官自行此六路者則身安譽至而政從矣

盧注云專爲自納於亡進或聲誤爲損聘珍謂學記曰今之教者言及於數進而不顧其安不能勿進者論語曰舉一隅不以三隅反則不復也毛詩傳云發行也論語曰不貳過易曰有不善未嘗不知知之未

嘗復行也。玉篇云：踣，曲也。失言勿踣，謂言之或失，不可曲諱也。說文云：辭，訟也。廣雅云：遂，行也。大學曰：必也使無訟乎。無情者，不得盡其辭。盧注云：凡行政事，勿稽留之。上六者，可以自通，故稱路也。且夫忿數者，獄之所由生也。距諫者，慮之所以塞也。慢易者，禮之所以失也。墮怠者，時之所以後也。奢侈者，財之所以不足也。專者，事之所以不成也。厯者，獄之所由生也。君子入官，除七路者，則身安譽至而政從矣。數疾也。獄訟也。距，止也。慮，思也。樂記曰：慢易以犯節，重廢也。怠，懈也。時後，謂失時也。專，謂專欲。左傳曰：專欲難成。盧注云：厯，厯亂也。故君子南面臨官，大城而公汭之，精知而略行之，合是忠信，考是大倫，存是美惡，而進是利，而遠是害，而無求其報焉，而民情可得也。

城當爲說
形聲之說

也誠信實也無私曰公倫理次存察也盧注云精知者當先是六路略行者謂度時而施能合是六路之忠信及進除七路之利害施焉而不求報則民情不失矣故臨之無抗民之志勝之無犯民之言量之無狡民之辭養之無擾於時愛之勿寬於刑言此則身安譽至而民自得也周書諡法曰逆天虐民曰抗勝之者以理屈之犯陵也量度也狡謂狡詐擾亂也無擾於時者孟子曰不違農時穀不可勝食也寬縱也樂記曰刑以防其奸廣雅云言從也故君子南面臨官所見邇故明不可弊也所求邇故不勞而得也所以治者約故不用眾而譽至也邇近也弊敗也約要也用謂役用之也盧注云言所見先求於近者中庸曰舜其大知也與舜好問而好察邇言也所求邇言所求自近始故詩云無佃甫田勞心忉忉法象在內故不遠源泉不竭故天下積也而木不寡

短長人得其量故治而不亂

左氏襄三十一年傳曰君子在位作事可法德

行可象內謂身也原木泉本也竭盡也積聚也原泉喻法象而木讀曰如寡旱也言天下既聚則人材不寡如木之或短或長隨人之量度而用之人材各得其用而天下治矣

故六者貫乎心

藏乎志形乎色發乎聲若此則身安而譽至而民自

得也

貫習也虛注云志者心之府也聲言也

故君子南面臨官不治則

亂至亂至則爭爭之至又反於亂是故寬裕以容其

民慈愛以優柔之而民自得也已

虛注云亂至民錯亂也聘珍謂爭競

也反猶重也曾子曰爭辨者作亂之所由興也中庸曰寬裕溫柔足以有容也優柔謂委從之以俟其化

故躬行者政之始也調悅者情之道也善政行易則

民不怨言調悅則民不辨法仁在身則民顯以佚之

也。始本也。調悅和悅也。易曰：說以先民，民忘其勞。說以犯難，民忘其死。說之大，民勸矣哉。行易謂民之奉行不難也。言號令也。辨法爭法也。左氏昭六年傳曰：民知有辟，則不忌於上，並有爭心，以徵於書而微俾以成之。仁謂躬行調悅也。身財利之生徵矣。貪以謂臨官者之身顯明也。佚樂也。財利之生徵矣。貪以不得。貪不得，謂貨悖而入者，亦悖而出。善政必簡矣。苟以亂之，不亦可乎。居簡而論語曰：居政而行簡，善言必聽矣。詳以失之，則聽從也。詳審察也。過於何察，規諫日至，煩以不聽矣。煩亂也。言臨官者心亂，言之善者在所日聞行之善者在所能為。為猶行也。盧注者在於終日言之君子行之善者在其。故上者民之能躬行記聽而失之，則無益於言行也。儀也。有司執政，民之表也。適臣便辟者，羣臣僕之倫。

也。荀子君道云君者儀也。有司執政謂卿大夫也。表標準也。邇臣便辟謂侍御之臣。盧注云倫理也。言是羣臣羣僕之綱理也。故儀不正則民失誓表弊則百姓亂邇

臣便辟不正廉而羣臣服汙矣故不可不慎乎三倫

矣。釋名云誓制也。失誓謂無所拘制也。弊頓仆也。故君也。廉潔也。盧注云服事也。汙濫也。言私謁也。故君

子脩身反道察說而邇道之服存焉。反復也。易曰反復其道服事也。

盧注云脩身當本於道而省其說則近道之事存。是故夫工女必自擇絲麻

良工必自擇齋材賢君良上必自擇左右始故佚諸

取人勞於治事勞於取人佚於治事故君子欲舉則

謹其所便欲名則謹於左右。絲蠶所吐也。麻謂麻草可紆績者。齋讀曰資便

謂便嬖荀子君道云便嬖左右者人主之所故上者以窺遠收眾之門戶牖齋也。不可不早具也。故上者

辟如緣木者務高而畏下者滋甚六馬之離必於四

面之衢民之離道必於上之佚政也故上者尊嚴而

絕百姓者卑賤而神民而愛之則存惡之則亡也緣

也滋益也離散也爾雅曰四達謂之衢佚失也論語

曰上失其道民散久矣絕截也謂截然高峻而無所

倚也神者不測者也易故君子南面臨官貴而不驕

富恭有本能圖脩業居久而譚情邇暢而及乎遠察

一而關於多一物治而萬物不亂者以身爲本者也

爾雅曰恭敬也圖謀也盧注云本爲身也謂能謀其

身也聘珍謂業事功也居安也廣韻云譚大也業安

於久而自大也易曰可久則賢人之德可故君子莅

民不可以不知民之性達諸民之情既知其以生有

習然後民特從命也故世舉則民親之政均則民無

怨苴亦臨也盧注云性爲仁義禮智之等情爲喜怒哀

愛惡之屬性者生之質情者人之欲生謂性也習

調節也世舉言治聘珍謂既知其以生有習者謂

知民之各秉性情而生而有以教習之均平也故

君子莅民不臨以高不道以遠不責民之所不能今

臨之明王之成功則民嚴而不迎也道以數年之業

則民疾疾則辟矣明王之成功不高不遠民所能從

背也數年之業高遠事故古者冕而前旒所以蔽明

也疾病也辟謂僻遠也也統統塞耳所以弇聰也故水至清則無魚人至察

則無徒說文云冕大夫以上冠也遽延垂塗統續古

者黃帝初作冕旒說文作璽云璽垂玉也

隱也統玉篇作戴云戴黃色大戴禮戴續續塞耳

也統古續字白虎通云續塞耳說文云續絮也

也統古續字白虎通云續塞耳說文云續絮也

也統古續字白虎通云續塞耳說文云續絮也

也統古續字白虎通云續塞耳說文云續絮也

也統古續字白虎通云續塞耳說文云續絮也

也統古續字白虎通云續塞耳說文云續絮也

石象於末謂之塞耳即充耳也。以纁貫瑱縣之於耳謂之統。垂玉天子諸侯公卿大夫瑱之玉石統之采色一如冕。之制周禮掌於弁師詩衛風淇澳篇毛傳云充耳謂之瑱。天子玉瑱諸侯以石詩齊風著篇鄭箋云以素爲充耳謂所以縣瑱者或名爲統。纁之末所謂瑱也。則三色而已飾之以瑱華者謂縣統之未所謂瑱也。人君以玉爲瑱華石色似瑱也青統之青黃統之黃瑱瑩石色似瑱華也。故枉而直之使自得之優而柔也。瑱英猶瑱華也。之使自求之揆而度之使自索之民有小罪必以其善以赦其過如死使之生其善也是以上下親而不離。盧注云民有邪枉教之使自得也孟子曰匡之直施教之聘珍謂善賢能也周禮曰議賢之辟議能之辟赦宥也過誤也如死使之生謂宥過無大也其善也者謂民有所勸勉而益進於善也。故惠者政之始也政不正則不可

教也不習則民不可使也

惠愛也政誦法制禁令不可教者雖令不從也習謂

教故君子欲言之見信也者莫若先虛其內也欲政

之速行也者莫若以身先之也欲民之速服也者莫

若以道御之也

盧注云虛其內謂內外相應

故不先以身雖行必

隣矣不以道御之雖服必強矣故非忠信則無可以

取親於百姓矣外內不相應則無可以取信者矣四

者治民之統也

鄰近也必鄰者行而不遠強勉強也孟子曰以力服人者非心服也力不

賸也左傳曰上思利民忠也經解曰民不求其所欲而得之謂之信親愛也外內不相應者所令反其所

好也統紀也盧注云四者謂以身先及以道御之忠信及內外相應也

盛德第六十六

聖王之盛德人民不疾六畜不疫五穀不災諸侯無

兵而正小民無刑而治蠻夷懷服

易曰窮神知化德之盛也疾病也疫

病流行也

災謂水旱蟲螟之類

兵謂戎兵周禮大司

馬職曰以九伐之法正邦國鄭注云諸侯有違王命

則出兵以征伐之所以正之也刑謂五刑懷來也

古者天子常以季冬考德

以觀治亂得失凡德盛者治也德不盛者亂也德盛

者得之也德不盛者失之也是故君子考德而天下

之治亂得失可坐廟堂之上而知也德盛則脩法德

不盛則飾政法政而德不衰故曰王也

大宰職曰歲終則令百官

府各正其治受其會聽其致事而詔王廢置鄭注云

歲終周季冬月也聘珍謂廟堂者大廟明堂也法即

下經所云五法政即五政法政而德不衰者修法凡

飾政而德乃永盛盧注云王者往也民所歸也

人民疾六畜疫五穀災者生於天天道不順生於明

堂不飾故有天災則飾明堂也

順循也不順者不循其序也釋名云飾拭

也物穢者拭其上使明由他物而後明猶加文於質上也盧注云淮南子云明堂之廟行明堂之令以調

陰陽之氣而知四時之節以辟疾之災也凡民之爲姦邪竊盜厯法妄行

者生於不足不足生於無度量也無度量則小者偷

墮大者侈靡而不知足故有度量則民足民足則無

爲姦邪竊盜厯法妄行者故有姦邪竊盜厯法妄行

之獄則飾度量也

李注文選引韋昭云厯千也說文云度法制也量稱輕重也荀子禮

論云人生而有欲欲而不得則不能無求求而無度量分界則不能不爭偷苟且墮廢也靡讀曰糜謂財物糜散也凡不孝生於不仁愛也不仁愛生於喪祭之

凋敝也

禮不明喪祭之禮所以教仁愛也致愛故能致喪祭
春秋祭祀之不絕致思慕之心也夫祭祀致饋養之
道也死且思慕饋養況於生而存乎故曰喪祭之禮

明則民孝矣故有不孝之獄則飾喪祭之禮也

仲尼燕居

曰嘗禘之禮所以仁昭穆也饋奠之禮所以仁死喪也致盡也盧注云孝經曰春秋祭祀以時思之也經解曰喪祭之禮廢則臣子之恩薄而倍死忘生者眾矣凡弑上生於義不明義

者所以等貴賤明尊卑貴賤有序民尊上敬長矣民

尊上敬長而弑者寡有之也朝聘之禮所以明義也

故有弑獄則飾朝聘之禮也

等差也序次也周禮曰春見曰朝又曰春朝諸

侯而圖天下之事聘問也周禮曰時聘曰問又曰時聘以結諸侯之好盧注云經解曰朝聘之禮廢則君

臣之義失諸侯之行惡凡鬪辨生於相侵陵也相侵

而倍畔侵陵之數起矣陵生於長幼無序而教以敬讓也故有鬪辨之獄則

飾鄉飲酒之禮也辨爭也侵犯陵侮也周禮曰以陽禮教讓則民不爭鄭注云陽禮謂

鄉飲酒之禮也盧注云經解曰鄉飲酒之禮廢則長幼之序失而爭鬪之獄煩矣凡淫亂生

於男女無別夫婦無義昏禮享聘者所以別男女明

夫婦之義也故有淫亂之獄則飾昏禮享聘也昏禮享聘

者昏義曰舅姑共饗婦以一獻之禮奠酬舅姑先降自西階婦降自阼階以著代也內則曰聘則為妻鄭

注云聘問也妻之言齊也以禮聘問則得與夫敵體

盧注云經解曰昏姻之禮廢則夫婦之道苦而淫辟

之罪多矣故曰刑罰之所從生有源不務塞其源而務刑

殺之是為民設陷以賊之也設置也陷穿地為塹所以禦禽獸其或超踰則

陷焉賊害也盧注云禮察曰禮刑罰之源生於嗜慾

禁將然之前法施已然之後也好惡不節說文云嗜慾喜之也樂記曰夫民有血氣

言百姓犯刑故明堂天法也禮度德法也所以御民

之嗜慾好惡以慎天法以成德法也刑法者所以威

不行德法者也盧注云明堂天神所在也王者於此

也聘珍謂度數度也德法者躬行心德垂為法象也

易曰君子以制數度議德行御理也慎讀曰順威畏

也令可故季冬聽獄論刑者所以正法也法正論吏

畏懼也公行之聽平治也獄謂邦國都鄙官府之獄訟論刑

輕是也正定也論擇也吏是故古者天子孟春論吏

德行論考也德行外內之稱能理功能德法者為有

之禮也

德理功治功也周禮曰治功曰力鄭注云制法能行

德成治若咎繇是也盧注云有德謂外內善也德法者為有行人行用也謂奉行也有行者聘義曰眾

能理德法者為有能以理謂綜治有條理也大宰職曰

二曰能成德法者為有功成者功就不可易也周禮

有德有能者亦貴有行文義互國功曰功有功者亦貴

相備故上文總言論吏德行也故論吏而法行事治

而功成季冬正法孟春論吏治國之要也吏奉法者

者也盧注云春論班賞冬德法者御民之銜也吏者

考量刑則莫不懲勸矣轡也刑者筴也天子御者內史太史左右手也古者

以法為銜勒以官為轡以刑為筴以人為手故御天

下數百年而不懈墮

說文云銜馬勒口中从金从行街行馬者轡御者所執釋名云

御拂也。牽引拂戾以制馬也。策馬箠也。說文云：御使馬者，从手从卸。徐鍇云：卸，解車馬也。或手或卸，御者之職。盧注云：太史內史皆宗伯之屬。太史下大夫二人，內史中大夫一人，俱親王之官也。書曰：太史內史云：內史太史左右手，則太史為左史，內史為右史焉。說文云：勒馬頭絡銜也。善御馬者，正銜勒齊，轡策均，馬力和，馬心故，口無聲，手不搖，策不用，而馬為行也。善御民者，正其德，法飭其官，而均民力和，民心故，聽言不出於口，刑不用而民治。是以民德美之。周禮均人職曰：掌均地，征均地，守均地，職均人民，牛馬車輦之力，征和民，心者經解曰：發號出令而民悅，謂之和。聽言謂聽訟之言，不出於口者，論語曰：必也使無訟乎。民荷其夫曰：善其德，必稱其人。故思謂之德，美大之之詞也。今之人稱五帝三王者，依然若猶存者，其法誠德其

德誠厚

善猶美也稱譽也依外思慕之貌法誠德者法本於德也厚猶大也深也

夫民思

其德心稱其人朝夕祝之升聞於皇天上帝歆焉故

永其世而豐其年

祝祈也歆猶欣也永長也詩曰自天降康豐年穰穰不能御

民者棄其德法譬猶御馬棄轡勒而專以策御馬馬

必傷車必敗無德法而專以刑法御民民心走國必

亡

走去也孟子曰失其民者失其心也亡滅也盧注云淮南子曰舜無佚民造父無佚馬

亡德

法民心無所法循迷惑失道上必以為亂無道苟以

為亂無道刑罰必不克成其無道上下俱無道

亡無也法

循者效法遵循也迷誤也惑謂惑闇克勝也成其無

道者刑罰不中則民手足無所措而為倍畔之事矣

上下俱無道者孟子曰上無道揆也下無法守也故

朝不信道工不信度君子犯義小人犯刑是也故

今之稱惡者必比之於夏桀殷紂何也曰法誠不德

其德誠薄夫民惡之必朝夕祝之升聞於皇天上帝

不歆焉故水旱並興災害生焉故曰德法者御民之

本也其德謂四德也釋名云薄迫也古之御政以治天

下者冢宰之官以成道司徒之官以成德周禮天官

治地官司徒掌邦教爾雅曰冢大也干寶云齊其清

濁和其剛柔而納之中和曰宰鄭云司徒主眾徒地

者載養萬物天子立司徒掌邦教亦所以安擾萬民

盧注云天性發施故為道地理含藏故主德道德者

包五性內外之稱也宗伯之官以成仁周禮春官宗

天地之官尊故總焉伯周禮春官宗

天神人鬼地祇之禮鄭云宗尊也伯長也不言司者

鬼神祇人之所尊不敢主之故也以成仁者仲尼燕

居曰郊社之義所以仁鬼神也嘗禘之禮所以仁昭

穆也饋奠之禮所以仁死喪也射鄉之禮所以仁鄉

黨也食餐之禮司馬之官以成聖周禮夏官司馬掌邦政鄭云馬者武
也言爲武者也盧注云聖通也夏氣司寇之官以成
物充達又征伐者所以平通天下義周禮秋官司寇掌邦刑鄭云寇害也秋者
官以成禮周禮曰冬官其屬六十掌邦事鄭云象冬
子立司空使掌邦事亦是官名司空者冬閉藏萬物天
以成禮者盧注云凡宗社之設城郭之度宮室之量
典服之制皆故六官以爲轡司會均入以爲軌故御
冬官所職也
四馬執六轡御天地與人與事者亦有六政周禮司
之六典八法入則之貳以逆邦國都鄙官府之治鄭
云會大計也司會主天下之大計計官之長詩曰塗
以輶轡毛傳云輶驂內轡也鄭箋云輶繫於軾前四
馬六轡者孔氏毛詩疏云每馬有二轡四馬當八轡
矣諸文皆言六轡者以驂馬內轡納之於軾故在
手者唯六轡耳盧注云六政謂道德仁聖禮義

故善御者正身同轡均馬力齊馬心惟其所引而之

以取長道

盧注云不違於節故任其馳聘珍謂引導引也馬在車前故曰引之往也取趣也道

路遠行可以之

考工記曰攻國之人行地遠之亦往也

急疾可以御

謂馬馳驟也御止也

天地與人事此四者聖人之所乘也

乘治也

是故天子御者太史內史左右手也六官亦六轡也

天子三公合以執六官均五政齊五法以御四者故

亦惟其所引而之以之道則國治以之德則國安以

之仁則國和以之聖則國平以之義則國成以之禮

則國定此御政之體也

三公太師太傅太保也鄭云三公者內與王論道外參六

官之事聘珍謂五政者五行之政明堂月令所施於四時者也盧注云五法謂仁義禮智信四者天地與

人與事治典經邦國教典安邦國禮典和邦國過失政典平邦國刑典詰邦國體國經野事官之職也人情莫不有過過而改之是不過也是故官屬不

理分職不明法政不一百事失紀曰亂也亂則飭冢

宰屬官眾也理治也分辨也太宰職曰以官府之六屬舉邦治以官府之六職辨邦治也紀總要之名

也飭謂地宜不殖財物不蕃萬民飢寒教訓失道風

俗淫僻百姓流亡人民散敗曰危也危則飭司徒殖

也月令曰善相邱陵阪險原隰土地所宜五穀所殖以教道民財讀曰材謂草木物謂鳥獸周禮曰司徒

辨十有二土之名物以蕃鳥獸以毓草木又曰以荒

政十有二聚萬民又曰因此五物者民之常而施十

有二教焉僻邪也王制曰志淫好僻敗潰也民父子逃其上曰潰釋名云危阮也阮阮不固之言也不親長幼無序君臣上下相乖曰不和也不和則飭

宗伯

乖戾也周禮宗伯掌邦禮以和邦國以統百官以諧萬民

賢能失官爵功勞

失賞祿爵祿失則士卒疾怨兵弱不用曰不平也不

平則飭司馬

賢能謂有德者司士職曰以德詔爵以功詔祿王制曰司馬辨論官材論進士

之賢者以告於王而定其論論定然後官之任官然後爵之位定然後祿之司勳職曰掌六卿賞地之法

以等其功國功曰功事功曰勞司勳司士並司馬之

屬也士卒者周禮百人為卒卒長皆上士左傳曰眾

散為弱周禮曰司刑罰不中暴亂姦邪不勝曰不成

馬佐王平邦國

也

也不成則飭司寇

周禮司寇掌邦禁以佐王刑邦國書曰司寇掌邦禁詰姦慝刑暴亂

百度不審立事失理財物失量曰貧也貧則飭司空

審悉也論語曰審法度事謂司空所掌富邦國養萬

民生百物之事理條理也財謂幣帛物謂器用量度

也故曰御者同是車馬或以取千里或數百里者所

進退緩急異也治者同是法或以治或以亂者亦所

進退緩急異也

五帝三王其法誠德夏桀殷紂法誠不德德惟治否德亂進退緩急存乎

德也

明堂第六十七

明堂者古有之也

盧注云明堂之作其代未得而詳也案淮南子言神農之世祀於明

堂明堂有蓋四方又漢武帝時有獻黃帝明堂凡九圖者四面無壁中有一殿然其由或始於此也

室一室而有四戶八牖三十六戶七十二牖

隋書牛宏傳引

蔡邕明堂月令論云明堂制度之數九室以象九州三十六戶七十二牖以四戶八牖乘九宮之數也

以茅蓋屋

蓋覆也左傳曰清廟茅屋昭其儉也

上圓下方

曾子天圓曰天道曰圓地

道曰

明堂者所以明諸侯尊卑

明堂位曰昔者周公朝諸侯於明堂天子

召斧依南鄉而立三公中階之前北面東上諸侯
位阼階之東西面北上諸伯之國西階之西東面北
上諸子之國門東北面東上諸男之國門外水曰辟
西北面東上明堂也者明諸侯之尊卑也外水曰辟
雍牛宏傳引明堂陰陽錄云明堂之制周圍行水左
外以象四海盧注云韓詩說辟水言雍雍和也聘珍謂
圓言辟者取辟有德不言辟水言雍雍和也聘珍謂
王制曰大學在郊天子曰辟雍孔氏詩靈臺南蠻東
疏云大戴禮政穆篇曰大學明堂之東序也南蠻東
夷北狄西戎上明堂位曰九夷之國東門之外西面北
之國西門之外東面南上五狄之國北門之外東面
東上九采之國應門之外北面上四塞世告至此
周公明堂明堂月令盧注云於明堂之赤綴戶也白
綴牖也者赤南方色盛陽之氣也白二九四七五三六
一八此五行生成之數明堂九室所取法也鄭注易

生木於東地四生金於西天五生土於中地六成水
於北與天一并天七成火於南與地二并地八成木
於東與天三并天九成金於西與地四并地十成土
於中與天五并經言五不言十者鄭注月令云土生
數五成數十但言五者土以生為本鄭注考工記云
木室於東北火室於東南金室於西南水室於西北
土室於中央賈疏云五行先起東方故東北之室
言木其實東北之室兼水矣東南之室兼木矣西南
之室兼火矣西北之室兼金矣以其中央太室有四
堂四角之室皆有室故知義然也聘珍謂鄭賈據五
室而言若此經九室五行亦有相兼之義蓋二四三
一為四正九七六八為四角三八二七四九一六皆
左旋五為中央為太廟太室二為明堂太廟七為明
堂右个明堂右个即總章之左个是火而兼金四為
總章太廟九為總章右个總章右个即元堂之左个
是金而兼水一為元堂太廟六為元堂右个元堂右
个即青陽之左个是水而兼木三為青陽太廟八為
青陽右个青陽右个即明堂之左个是木而兼火矣

堂高三尺東西九筵南北七筵上圓下方
蔡云堂高三尺以應高

三記曰周人明堂度九尺之筵東西九筵南
北七筵注云明堂在明政教之堂周度以筵亦王
改也九室十二堂室四戶二牖其宮方三百步蔡
明堂制度之數十二堂以應日辰牛宏傳引太山盛
德記云殿垣方在內水厠於外水內徑三百步聘珍
謂六尺為步十尺為丈三三百步凡一百八十八丈
東西九筵筵九尺三室占地二百四十丈三尺南北
筵三室占地一十八丈九尺是南北餘地一百六十
一丈一尺東西餘地一百五十五丈七尺以為每室
中開空道寬廣應過於其室四戶入牖遙相對向並
非聯綴為之故左个右个得明堂靈臺辟雍為一五
戶在近郊近郊三十里經異義云公羊說皆在國之
東南二十五里東南少陽用事萬物著見用二十五
里者吉行五十里朝行莫反也此經言三十里者約
成數或以為明堂者文王之廟也孝經曰宗祀文王
也五經異義云講學大夫淳于登說周公祀文王於明
堂以配上帝上帝五精之神太微之庭有五帝座星
大戊豐已殛古

古周禮孝經說明堂文王之廟夏后氏曰世室殷人
曰重屋周人曰明堂周公所以祀文王於明堂以昭
事上帝謹案今禮古禮各以義說無明文以知之鄭
氏云淳于登之言取義於孝經援神契援神契說宗
祀文王於明堂以配上帝曰明堂者上圓下方八窗
四闕布政之宮在國之陽帝者諦也象上可承五精
之神五精之神實在太微於辰為巳是以登云然孔
氏毛詩靈臺疏云虛植禮記注云明堂即太廟也天
子太廟上可以望氣故謂之靈臺中可以序昭穆故
謂之太廟國之以水似堂故謂之靈臺中可以序昭穆故
處近世殊異分為三耳蔡邕月令論云取其宗廟之一
清貌則曰清廟取其正室之貌則曰太廟取其宗廟之
曰明堂取其四門之學則曰太學取其宗廟之一
則曰辟廱異名而同耳其實一也顏子容春秋釋例
云太廟有入名其體一也肅然清靜謂之明堂行饗射養
裕序昭穆謂之太廟告朔行政謂之明堂行饗射養
國老謂之辟廱占雲物望氣祥謂之靈臺其四門之
學謂之太學其中室謂之太室總謂之宮賈逵服虔
注左傳亦云靈臺在太廟明堂之中此
等諸儒皆以廟學明堂靈臺為一也

朱草曰生一

葉至十五日生十五葉十六日一葉落終而復始也

唐注云孝經援神契曰朱草生其莢莢嘉禾成蓬萌生其莢莢堯時侯階而生以記朔也朱草可食王者慈仁則生其形無記周時德澤洽和蒿茂大以爲宮柱

名蒿宮也此天子之路寢也不齊不居其屋竹書紀年云周

德既隆草木茂盛蒿堪爲宮室此天子之路寢也者

謂此蒿宮制如路寢也爾雅曰無東西廂有室曰寢

天子將有祀事於明待朝在南宮待朝於門屏之閒

堂則致齊於此宮

謂之寧孔氏曲禮疏云天子受朝於路門外之朝於

門外而寧立以待諸侯之至故曰當寧而立也此經

是朝諸侯於明堂與治朝異制故

待於南宮南宮即明堂太廟也

曰土揖庶姓時揖異姓天揖同姓南門者南宮之門

即明堂太廟南面若青陽總章元堂皆是告朔行令之宮

而非朝諸侯之地明堂位曰朝諸侯於明堂天子負

大戊豐已辟古

斧依南嚮而立是也

大戴禮記解詁卷之八終

姪嘉會校刊

大戴禮記解詁卷之九

南城王聘珍學

千乘第六十八

公曰千乘之國

何氏論語集解云馬云司馬法六尺

屋三為井井十為通通十為成成出革車一乘然則

千乘之賦其地千成居地方三百一十六里有畸唯

公侯之封乃能容之雖大國之賦亦不是過焉包云

千乘之國者百里之國也古者并田方里為井十井

為乘百里之國適千乘也融依周受命於天子周禮

禮包依王制孟子疑義故兩存焉

命賜國八命作通其四疆通達也疆界也封人職曰

其四教其書社家則共置社書社謂以社數書於策

孔子世家索隱云書社者書其社之人各於籍聘珍

謂教其書社者郊特牲曰簡其車賦歷其卒伍而君

大戴禮已解古

卷之九

親誓社以循其灌廟循順也灌聚也順其昭穆聚羣

習軍族也建立也周禮曰宗以族得民主以利得民

建其宗主左氏定四年傳曰分魯公以殷民六族條

氏徐氏蕭氏索氏長勺氏尾勺氏使帥其宗氏輯其

分族將其醜類以法則周公用卽命於周是使之職

事於魯晉語曰再世以下主之韋注云大夫稱主設

先鄭注周禮云主謂公卿大夫世世食采不絕者設

其四佐四佐謂三卿司徒司馬司空又周禮公之國

云崔氏云大國三卿司徒兼冢宰之事司馬兼宗伯

之事司空兼司寇之事故春秋左傳云季孫爲司徒

叔孫爲司馬孟孫爲司空賈氏周禮典命疏云魯是

侯爵非上公亦得置孤者魯爲州牧立孤與公同

列其五官五官謂下大夫五人也孔氏王制疏云五

一是小司徒司空之下亦置二小卿一人一是小宰

一是小司空也司馬之下惟置一小卿小司馬也處

其朝市處制也考工記曰爲仁如何子曰不仁國不

建國面朝後市

化易曰君子體仁足以長人化公曰何如之謂仁子

曰不淫於色左傳曰貪色為淫子曰重記子曰者公

創通大義而淫於色必害於德立妃設如太廟然乃中治中治不相陵

不相陵斯庶嬪遠遠則事上靜靜斯潔信在中爾雅

匹也左氏桓二年傳曰嘉耦曰妃楊注荀子云設謂

制置如太廟然者禮器曰太廟之內敬矣君親制祭

夫人薦盎君親割牲夫人薦酒中猶內也賈注國語

云妾御曰嬪遠讀曰章明也庶嬪遠者嫡庶之分明

也靜安也潔明朝大夫必慎以恭出會謀事必敬以

慎言長幼小大必中度朝讀如左傳楚子朝其大夫

會出會謀事者左氏昭三年傳曰諸侯相見於卻地曰

謂在會之言孔氏莊二十三年左傳疏云諸侯之序

以爵不以年言長幼謂國之大小也沈氏此國家之

云爵同者據年之長幼說文云度法制也

此國家之

七戊豐己召古

卷之七

二

所以崇也

崇尊也山宮中以及朝廷由朝廷以及四國皆有禮度而國勢尊矣

立子設

如宗社宗社先示威威明顯見辨爵集德是以母弟

官子咸有臣志莫敢援於外大夫中婦私謁不行此

所以使五官治執事政也

此言立世子之道或國無適子而立眾庶者宗社謂

宗廟社稷爾雅曰威則也辨爵者立子以貴也集德也集德者年鈞以德也官猶公也公子謂羣公子也

援於外者左氏桓十一年傳曰君多內寵子無大援

將不立左氏文六年傳曰晉襄公卒趙孟曰立公子

雍秦大而近足以爲援大夫謂嬖大夫中婦謂嬖妾

謁請也左氏莊二十八年傳曰晉驪姬嬖欲立其子

賂外嬖梁五與東關嬖五諧羣公子而立奚齊執夫

政以教百姓百姓齊以嘉善故蠱佞不生此之謂

論語曰以

民國有道則民昌此國家之所以大遂也

者王

也朝廷以正百官正百官以正萬民齊同也嘉樂也如大門大門顯美小大尊卑中度開明閉幽內祿出

災以順天道近者閑焉遠者稽焉卿謂上卿執政者

大夫卿李注爾雅云宮中南嚮大門應門也度數也

二徹之內八尺三個二丈四尺考工記曰應門二徹參个鄭注云

之制五雉鄭注云雉長三丈高一丈度高以高度廣

以廣內入也祿福也近者羣臣遠者萬民閑法也稽

猶考也議也小宰職曰帥治官之屬而觀治象之法

太宰職曰縣治象之法於象魏使萬民觀治象先鄭

司農云象魏闕也孫注爾雅云宮門雙闕舊章縣焉

使民觀之君發禁宰而行之以時通於地散布於小

因謂之觀理天之災祥地寶豐省及民共饗其祿共任其災此

國家之所以和也

禁政教也鄭注聘禮云宰上卿貳君事者諸侯謂司徒為宰千寶云

濟其清濁和其剛柔而納之中
 謂地利通者周語曰順時視土是也
 者物之微也散布於小者月令曰立春之月命相布
 德和令禁止伐木母覆巢母殺孩蟲胎天飛鳥母麋
 母卯是也理謂變理天反時為災吉氣為祥地寶謂
 五地之物生陸氏釋文云地以萬物為寶也豐饒也
 省減也及與也饗受也國有四輔輔卿也卿設如四
 祿亦福也任當災禍也
 體母易事母假名母重食卿謂小卿下大夫也如四
 疏云言接納羣臣與之同體也母易事者官不易方
 也言官守其業無相踰易母假名者名位不同禮亦
 異數母和假借食稍食也凡事尚賢進能使知事爵不世能之
 借食稍食也凡事尚賢進能使知事爵不世能之
 愆賢有德行者能有道藝者周禮曰以德詔爵以能
 能者不失世者仕無世官也愆失也能之不愆謂有
 其所也凡民戴名以能縣鄙各以其名鄭注云
 鄙謂縣正鄙師至鄰長也以能者鄉大夫職曰
 興能入使治之賈疏云以為比長鄰長已上之

民之貢賦田役於內也食力以時成以事立鄭注禮器云食力

成者孟子曰不違農時穀不可勝食也左傳曰穡人

成功以事立者周禮曰任工以飭材事任商以市事鄭注冠義云此所以使民讓也讓者推賢民咸孝弟

而安讓此以怨省而亂不作也此國之所以長也安讓

則怨省孝弟則亂不作詩曰民之無良相怨一方受

爵不讓至于已斯亡論語曰其為人孝弟而好犯

上者鮮矣未之有也長久而好下無用則國家富鄭注周

作亂者未之有也長久而好下無用則國家富禮云下

猶去也淮南齊俗云不器無用之物富上有義則國

足也書曰不貴異物賤用物民乃足上有義則國

家治禮曰以儀辨等則民不爭長有禮則民不爭禮周禮曰以陽禮教讓

義杜子春長有禮則民不爭禮周禮曰以陽禮教讓

讀為儀則民不爭鄭注云陽立有神則國家敬周禮曰肆師

禮謂鄉飲酒之禮也立有神則國家敬周禮曰肆師

大哉禮已降古卷之七

四

禮又曰以祀禮兼而愛之則民無怨心廣雅云兼同義曰同尊卑以親之也周禮曰以陰禮教親則民不怨鄭注云陰禮謂男女之禮昏禮以時則男不曠女不怨以爲無命則民不偷爲脩爲也謂脩其教也無命者不言吉凶禍福之命王制曰脩其教不易其俗周禮曰以俗教安則民不偷賈疏云偷苟且也昔者先王本此六者而樹之德此國家之所以茂也樹立也樹之德者論語曰爲政以德也茂者盛也設其四佐而官之春秋元命苞云官之爲言宣也此文與下經爲總目司徒典春以教民之不則時不若不令周禮司徒爲地官於侯國則兼冢宰典主也謂主春時布德和令之事則法也時謂天時農書云春土冒楨陳根可拔耕者急發若順也令善也民有不知時成長幼老疾孤寡以時通不若不令者司徒咸教之

于四墮有闔而不通有煩而不治則民不樂生不利

衣食

成平也禮運曰使老有所終壯有所用幼有所

達也

四境謂四境自國中以至四境民情無不通也

凡民之藏貯以及山川之神明加于民者發國功謀

齊戒必敬會時必節

鄭注周禮云凡計數之藏貯蓄

於庶民土田之數而賦犧牲以供山林名川之祀祭

法曰山林川谷邱陵民所取財用也廣雅云發舉也

又曰山林川谷邱陵民所取財用也廣雅云發舉也

功勞也謀謀也發國功謀謂舉先世之以功定國與

以勞定國則祀之會至也時謂祭時節禮節也

麻巫祝執伎以守官俟命而作祈王年壽民命及畜

穀蜚征庶虞草

正日謂日者卜筮掌日之術也麻謂麻

屬並掌鬼神之事者執伎守官者王制曰凡執伎以

事上不貳事不移官命謂司徒之命作起也起而各

執其事也。祈求也。祈王年者大祝職曰：年，祝是也。禱告事求福也。禱，民命者小祝職曰：順豐年，逆時雨，寧風旱，弭災兵，遠辜疾，並民命之所關也。畜穀謂六畜五穀，蠶征謂飛禽走獸也。庶虞草謂山虞澤虞所掌之山澤林麓並禱之者欲使上下草木鳥獸咸若也。方春三月，緩施生育動作百物於時有事，享于皇祖。皇考朝孤子八人以成春事。緣和也。育，養也。動作百物者，月令曰：季春之月，生氣方盛，陽氣發泄，句者畢出，萌者盡達，享于祖考者，周禮曰：以祠春享先王也。朝召也。召而饗之也。孤子，死王事者之子也。郊特牲曰：春饗孤子是也。司馬司夏以教士車甲。鄭三禮目錄云：司馬，象夏所立整齊萬物，聘珍謂士者，國之勇力之士，能用五兵者。周禮屬於司右司馬之屬官也。王制曰：有發則命大司徒教士以車甲，蓋此勇力之士無事則教於司馬之屬，若軍師發卒則司徒教以兵車衣甲之儀。凡士執伎論功脩四衛，強股肱，質射御，才武聰慧，治。

眾長卒所以爲儀綴於國

執伎謂持五兵之藝功猶力也脩備也四衛者宿衛

王宮必居四角四中於微侯便也質主也治眾長卒在周禮曰百人爲卒卒長皆上士毛詩傳云綴表也

出可以爲率誘於軍旅四方諸侯之遊士國中賢餘

秀興閱焉

出謂司馬出軍率讀曰帥左氏閔二年傳曰夫帥師專行謀誓軍旅誘教也周禮萬

有二千五百人爲軍五百人爲旅賢餘卿大夫之餘子之賢者興升也秀興者造士之秀升於司馬者也閱其數也司馬辨論官材故四方之遊士國中賢秀皆當悉數而省視之

方夏三月養

長秀蕃庶物於時有事享于皇祖皇考爵士之有慶

者七人以成夏事

爾雅曰不榮而實者謂之秀周禮曰以禴夏享先王慶善也祭統曰

夏祭曰禴古者於禴也

發爵賜服順陽義也司寇司秋以聽獄訟治民之

煩亂執權變民中

鄭云寇害也秋者道也如秋義殺害收聚斂藏於萬物也聽平治也

獄謂相告以罪名者訟謂以財貨相告者賈云此對
文散則通矣周禮曰刑新國用輕典刑平國用中典
刑亂國用重典執權變民中者執其凡民之不刑刑
輕重之權以變化其民使歸於中也凡民之不刑正
人之法不刑者不崩本以要開也崩壞也本常也要微
法下文所云是也
府常法而行其詐作起不敬以欺惑憧愚起事敬畏也
開隙以行其詐作起不敬以欺惑憧愚起事敬畏也
不敬不畏法也惟作於財賄六畜五穀曰盜泉貨曰
愚無定識之民
賄誘居室家有君子曰義未詳其義子女專曰娛專
也謂不待父母之命媒妁之言
說文云媒巧也一曰女子笑貌
飭五兵及木石曰賊
飭讀曰飾覆也先鄭司農云五兵者戈殳戟酋矛夷
矛後鄭云車之五兵鄭司農所云者是也步卒之五
兵則無夷矛而有弓矢木石謂櫓也說文云櫓建大
木置石其上以碇敵也曰賊者謂覆匿兵器謀為逆
亂以中情出小曰閒大曰講中情國中情實也閒
也賈氏周禮疏六

異國欲來侵伐先遣人往問候取其委曲反來說之

講讀曰構本亦作構謂交構也國語曰恐構諸侯

利辭以亂屬曰讒邪正之類讒諧也以財投長曰貨

投致也長謂達官之凡犯天子之禁陳刑制辟以追

長廣雅云貸借也國民之不率上教者陳列也刑謂刑書制裁制也辟

率循也上教謂禁教士師之職曰掌國之五禁之法

以左右刑罰皆以木鐸徇之於朝書而縣於門閭是

即所以教之者也夫是故一家三夫道行三人飲食哀樂平

無獄有夫有婦為一家三夫丁壯也道行謂任力役

也者家三人鄭注云出家也周禮曰上地家七人可任

生其大數平均也力政均民情平而訟獄哀息矣

方秋三月收斂以時於時有事嘗新于皇祖皇考食

農夫九人以成秋事月令曰季秋之月命百官貴賤

無不務內鄭注云內謂收斂入

之也嘗新謂新穀熟嘗之周禮曰以嘗秋享先王
 農夫謂耆老也郊特牲曰秋食耆老食養陰氣也
 空司冬以制度制地事鄭云冬閉藏萬物天子立司
 使民無空者也制度法度也制地
 事謂裁制地事下經所云是也
 準揆山林規表衍
 沃畜水行衰濯浸以節四時之事準平也揆度也積
 規畫也表明也下平曰衍有溉曰沃左氏襄二十
 五年傳曰度山林井衍沃畜水者周禮曰以溝畜
 水也
 行者周禮曰以溝蕩水杜子春謂以溝行水也衰
 者廣韻云衰小也減也殺也謂水大而減之使小
 也周
 禮曰以澮寫水鄭注云澮田尾去水大溝是也濯者
 滌溉也謂以水滌去所芟之草周禮曰以涉揚其
 芟
 鄭注云開遂舍水于列中因涉之揚去前年所芟
 之
 草而治田種稻是也浸者可以爲陂灌漑田者也
 準
 揆山林規表衍沃制爲井牧也畜水行衰濯浸則
 田
 閒之水利節制也四時之事謂耕耘收穫之事也
 治地遠近以任民力以節民食太古食壯之食攻老

之事

鄭注載師云國稅輕近而重遠近者多役也太古謂唐虞以上政治也王制曰凡使民任老者

注云寬其力饒其食公曰功事不少而餼糧不多乎

子曰太古之民秀長以壽者食也在今之民羸醜以

齒者事也

秀長謂成長釋名云秀者物皆成也壽久年也食謂足食羸劣也醜惡也齒謂死於

道路如鳥獸也說文云鳥獸殘骨曰齧齧可惡也久

骨此聲明堂月令曰掩骼薶骹或从肉事謂力役

事太古無游民食節事時民各安其居樂其宮室服

事信上上下下交信地移民在游民不習士農工商之

者齊語曰少而習焉其心安焉樂宮室者周禮曰以

本俗六安萬民一曰微宮室地移民在者孟子曰昔

邠人曰仁人也不可失也從之者如歸市今之世

上治不平民治不和百姓不安其居不樂其宮老疾

用財壯狡用力於茲民游薄事貪食於茲民憂財泉穀也

周禮以九賦斂財賄老者疾者皆舍廣雅云狡健也

游猶流也薄迫也事謂力役之事釋名云貪探也探

得人他分也貪食謂民不古者殷書為成男成女名

得食須採取而後食也屬升于公門此以氣食得節作事得時勸有功夏服

君事不及暍冬服君事不及凍是故年穀不成天之

饑饉道無殍者殷眾也屬類也升登也媒氏職曰凡男女自成名以上皆書年月日名焉

司民職曰掌登萬民之數自生齒以上皆書于版辨

其國中與其都鄙及其郊野異其男女及三年大比

以萬民之數詔司寇司寇及孟冬祀司民之日獻其

數於王王拜受之登於天府氣肅曰饒鄭注聘禮云

儀猶眾也給也節多寡之度作興也事謂築邑廬宿

市治宮室城郭道渠之類得時者左氏莊二十九年

傳曰凡土功龍見而畢發戒事也火見而致用水昏

正而裁日全而畢勸勉也王制曰樂事勸功暍傷

也。年，周一年也。穀，謂五穀成備也。穀梁襄二十四年傳曰：五穀不升，謂之大饑。一穀不升，謂之嗛。二穀不升，謂之饑。三穀不升，謂之饑。四穀不升，謂之康。五穀不升，謂之大侵。道路也。餓死為殍。左氏昭三年傳曰：道塗，在今之世，男女屬散，名不升于公門。此以氣食不節，作事不成，天之飢饉。於時委民，不得以疾死。是時也，委棄也。不得以疾死者，孟子曰：四年饑歲，君之民老弱轉乎溝壑。是故立民之居，必于中國之休地，因寒暑之和，六畜育焉。五穀宜焉。辨輕重，制剛柔，和五味，以節食時事。休，美也。周禮曰：以土圭之法，測土深，正日景以求地中。日南則景短，多暑；日北則景長，多寒。制克也。王制曰：剛柔輕重，遲速異齊。五味異和。東辟之民曰夷，精以僥。至于大遠，有不火食者矣。南辟之民曰蠻，信以朴。至于大遠，有不火食者矣。西辟

之民曰戎勁以剛至于大遠有不火食者矣北辟之
民曰狄肥以戾至于大遠有不火食者矣及中國之
民曰五方之民有安民和味咸有實用利器知通之
信令之安止也安民謂居止之民王制曰中國夷蠻
戎狄皆有安居和味宜服利用備器知通之
者王制曰五方之民言語不通嗜欲不同達其志通
其欲東方曰寄南方曰象西方曰狄鞮北方曰譯鄭
注云鞮之言知也孔疏云謂通傳夷狄之語與中國
相知信令之者信猶節也掌節職曰凡通達於天下
者必有節鄭注云節為信釋名云及量地度居句邑
令領也理領之使不得相犯也

有城郭立朝市地以度邑以度民以觀安危

及至也量地度

居者王制曰量地以制邑度地以居民是也城外為
郭而朝後市度邑度民者王制曰地邑民居必參相
得也安危猶利害周禮曰距封後利先慮久固依固
以相民宅而知其利害

可守爲奧可久能節四時之事霜露時降距起也封
禮曰制其畿疆而溝封之後利者不盡地利以壞形
勢史記商君傳云爲田開阡陌封疆是爲利也慮謀
也依因也司險職曰設國之五溝五涂而樹之林以
爲阻固掌固職曰掌修城郭溝池樹渠之固若有山
川則因之奧深也節四時之事霜露時降者言中國
之休地也周禮曰日至之景尺有五寸謂之地中
地之所合也四時之所交也風方冬三月草木落庶
雨之所會也陰陽之所和也
虞藏五穀必入于倉於時有事蒸于皇祖皇考息國
老六人以成冬事庶虞謂山林川澤之官也藏收也
郊廟及百祀之薪燎又曰舉五穀之要藏帝藉之收
于神倉蒸眾也冬物畢成可祭者眾也周禮曰以蒸
冬享先王息休息也國老國之卿大夫致仕民咸知
者月令曰春數八夏數七秋數九冬數六也
孤寡之必不末也咸知有大功之必進等也咸知用

勞力之必以時息也推而內之水火入也弗之顧矣

而況有強適在前有君長正之者乎公曰善哉末薄也孤

寡不末者朝孤子以成春事也等謂等級必進等者夏得士之有慶者也用勞力必以時息者秋食農夫

冬息國老也回首曰顧適讀曰敵正者治也

四代弟六十九

公曰四代之政刑論其明者可以為法乎四代謂虞夏商周論

擇也樂記曰政以一其行刑以防其姦子曰何哉四代之政刑皆可法

也公曰以我行之其可乎子曰否不可臣願君之立

知而以觀聞也聞謂所聞四代之政刑白虎通云智

也著四代之政刑君若用之則緩急將有所不節不節

君將約之約之卒將棄法棄法是無以為國家也急緩

謂事之輕重遲速異宜者鄭注考工記云節猶適也約之者以法約束之也卒終也卒將棄法者操之已切事做而

法窮也公曰巧匠輔繩而斲胡為其棄法也輔相也繩

謂繩墨所以彈曲直者也子曰心未之度習未之狎此以數踰而

棄法也夫規矩準繩鈞衡此昔者先王之所以為天

下也小以及大近以知遠今日行之可以知古可以

察今其此邪左氏昭二十八年傳曰心能制義曰度狎安習也孟子曰習矣而不察焉爾雅

曰數疾也說文云逾越進也孟子曰聖人既竭口力焉繼之以規矩準繩以為方員平直不可勝用也鄭

注月令云三十斤曰鈞稱上曰衡經解曰衡誠縣不可欺以輕重淮南泰族云規矩權衡準繩異形而皆

施水火金木土穀此謂六府廢一不可進一不可民

竝用之今日行之可以知古可以察今其此邪府猶

也左氏文七年傳曰水火金木土穀謂之六府進

猶益也淮南泰族云水火金木土穀異物而皆任昔

夏商之未興也伯夷謂此二帝之眇伯夷謂此二帝之眇

二字多相亂言為此規矩準繩鈞衡及六府之屬書

曰伯夷降典折民惟刑二帝謂堯舜董注說卦傳云

眇成也公曰長國治民恆幹長君也恆常也幹體也言

云是論政之大體以教民辨君國子民之常體下文所

之陽德以教民事上服周室之典以順事天子脩政

勤禮以交諸侯大節無廢小眇其後乎辨別也教民

天下澤履君子以辨上下定民志爾雅曰歷相也大

道天道也性生也歷天道以時地性者周語曰古者

太史順時觀土陽癰憤盈土氣震發農祥晨正日月

底于天廟土乃脈發興作也周禮曰以地產作易

先鄭云一說地產謂土地之性各異若齊性舒
性急悍此皆露見于外故謂之陽德教民事者脩其
教移其習也服從也典法也常也政猶制也禮謂邦
交之禮檀弓曰脩其班制以與四鄰交大節謂論政
之大體以下諸事為長國治子曰否不可後也詩云
民之恆幹小眇猶小成也

東有開明於時雞三號以興庶虞庶虞動蜚征作詩

雅大東篇開作啟漢諱啟之字曰開爾雅曰明星謂
之啟明郭注云太白星也晨見東方為啟明昏見西
方為太白雞知時畜也號鳴也庶虞謂山澤林麓
蟲征謂禽獸昆蟲此言夜嚮晨而百物動作也

民執功百草咸淳地傾水流之功也淳和也傾覆也

地傾謂農夫覆種也水謂雨水流是以天子盛服朝

灌也月令曰仲春之月始雨水

曰于東堂以教敬示威于天下也盛服朝日者魯語
玉藻曰元端而朝曰于東門之外鄭注云端當為冕
字之誤也朝曰春分之時也聘珍謂東堂壇上之堂

上之堂

也鄭注司儀云天子春帥諸侯拜日于東郊則為壇于國東又云壇十有二尋方九十六尺則堂上二丈四尺教敬示威者賈氏司儀疏云天子親自拜日禮月之等是尊尊之法教諸侯以下尊敬在上者也爾雅曰威是以祭祀昭有神明吳大宗伯職曰以禋祀祀則也月星辰以禋燎祀司中司命觀師雨師以血祭祭社稷五祀五嶽以粢沈祭山川澤以醯辜祭四方百物昭明也表記曰昔三代燕食昭有慈愛左氏宣十明王皆祀天地之神明王享有體薦宴有折俎成十二年傳曰宴以示慈惠杜注云宴則折俎相與共食宗廟之事昭有義王以祠春享先王以肆獻裸享先王以饋祀享先王以蒸冬享先王鄭注云宗廟之祭有此六享昭有義者大傳曰自義率祖順而下之至於禴是故人道親親也親親故尊祖尊祖故敬率禮朝廷昭有五宗敬宗故收族收族故宗廟嚴率禮朝廷昭有五官率循也左氏莊二十三年傳曰禮所以整民也朝以正班爵之義師長幼之序曲禮曰天子之五

司徒司馬司空司

無廢甲冑之戒昭果毅以聽

鄭注

既夕云甲冑也冑兜鍪也防患曰戒左氏宣二年傳曰戎昭果毅以聽之之謂禮殺敵為果致果為毅

天子曰崩諸侯曰薨大夫曰卒士曰不祿庶人曰死

昭哀哀愛無失節是以父慈子孝兄愛弟敬

鄭注曲禮云異

死名者為人喪其無知若猶不同然也自上顛壤曰崩薨顛壤之聲卒終也不祿不終其祿死之言漸也精神漸盡也釋名云哀愛也愛乃思念之也節謂禮節此昔先王之所先施於

民也君而後此則為國家失本矣

此者謂朝日東公堂以下諸事也

曰善哉子察教我

明也

子曰鄉也君之言善執

國之節也君先眇而後善中備以君子言可以知古

可以察今與然而興民壹始

鄉讀曰嚮言善謂恆幹之言為善也執持也節

謂大節也。眇成也。言朝日祭祀以下諸事皆罔之成法。先其成法而後其恆幹之善言。君子卿大夫若有德者中備以君子言者先後之中令君子討論其因時制宜之理與然盛貌興起也。壹專也。始猶木也。爲國不失本則民知務其本矣。公曰：是非吾言也。吾一聞於師也。子

吁焉其色曰：嘻，君行道矣。公曰：道邪？子曰：道也。吁驚也。嘻喜悅也。

公曰：吾未能知人，未能取人。子曰：君何爲不觀

器視木？公曰：視可明乎？子曰：可以表儀。公曰：願學之。

器謂器識才力也。左氏文六年傳：曰：引之表儀。杜注云：表儀猶威儀。子曰：平原大蕪

瞻其草之高豐茂者，必有怪鳥獸居之。且草可財也。

如艾而夷之，其地必宜五穀。高山多林，必有怪虎豹

蕃孕焉。深淵大川，必有蛟龍焉。民亦如之。君察之可

以見器見才矣

爾雅曰廣平曰原鄭注月令云大澤曰藪財讀曰材艾讀曰刈夷之者以

鉤鏹迫地芟之也宜五穀者原藪為眾物所公曰吾

猶未也子曰羣然戚然頤然畢然蹠然柱然抽然首

然僉然湛然淵淵然淑淑然齊齊然節節然穆穆然

皇皇然羣然者論語曰羣而不黨學記曰敬業樂羣

是也威親也詩曰威威兄弟毛傳云威威內

也荀子解蔽云畢畢廣廣孰知其德楊注云畢讀為

從流俗也廣雅云抽拔也孟子曰拔乎其萃郊特牲

曰首也者直也爾雅曰僉皆也孟子曰油油然與之

借而不自失也廣雅云湛安也淵潤深水貌中書曰

釋名云節有有限節也少儀曰言語之美穆穆皇皇爾

雅曰穆穆皇皇美也羣然見才色脩聲不視聞怪物

以下並言人之表儀也

大哉皇已澤古

格命不改志舌不更氣君見之舉也得之取之有事

事也事必與食食必與位無相越踰昔虞舜天德嗣

堯取相十有六人如此見顯示之也才色色之有十

周者非禮勿視非禮勿聽也怪異也物事也格當為

怪形之誤也陸賈新語云通於道者不可驚以怪說文

為所惑也年傳曰氣以實志志以定言有事事也者以能詔事

也事必與食者以功詔祿也鄭注大宰云位爵次也

天德元德也淮南原道云舜執元德於心高注云元

天也書曰元德升聞乃命以位左氏文十八年傳曰

堯崩天下如一同心戴舜公曰嘻美哉子道廣矣曰

由德徑徑吾恐憚而不能用也何以哉曰孔子之言

徑者疾趨邪行也公曰請問圖德何尚子曰聖知之

格亂也德急則亂

也華猶光也孟子曰始條理者智知仁之實也荀

君道云仁而不知不可既仁信之器也鄭注經解云

知且仁是人主之實也論語曰君子義以為質信以成之

也事者信義之重也左氏宣十五年傳曰信載義而行

之義利之本也委利生孽左氏成十六年傳曰義以

十年傳曰注云孽畜也孽妖害也公曰嘻言之至也道天地以

民輔之聖人何尙道達也易曰后以財成天地之子

曰有天地德有地德有人德此謂三德三德率行乃有

陰陽陽曰德陰曰刑盧注衛將軍文子云天道曰至

珍謂師氏職曰以三德教國子一曰至德以為道本

二曰敏德以為行本三曰孝德以知逆惡鄭注云在

心為德施之為行董仲舒對策云陽為德陰為刑天

使陽常居大夏而以生育長養為事陰常居大冬而

大戴禮記解詁卷之九

積於空虛公曰善哉再聞此矣陽德何出子曰陽德

出禮禮出刑刑出慮慮則節事於近而揚聲於遠

生也禮謂禮儀威儀也鄭注中庸云火神則禮白虎

通云火之為言化也陽氣用事萬物變化也樂記曰

天高地下萬物散殊而禮制行矣禮出刑者坊記曰

禮者因人之情而為之節文以為民坊者也出於禮

刑者入於刑禮節民心刑以坊之也慮心謀也王制曰

節省也事訟獄之事近謂朝廷揚聲於公曰善哉哉

遠者訟獄衰息刑措不用而頌聲作矣公曰善哉哉

事何以子曰德以監位位以充局局以觀功功以養

民民於此乎上載成也韓詩云監領也位爵位也周

分也郭注云謂分部左氏成十六年傳曰失官慢也
離局姦也鄭注宮正云功吏職也書曰德惟善政政
在養
公曰祿不可後乎子曰食為味味為氣氣為

發志爲言發言定名名以出信信載義而行之祿

可後也

祿稍食也左氏昭二十五年傳曰爲六畜五

氣氣以實志志以定言言以出命令章注周語云名號

令也左氏宣十五年傳曰君能制命爲義臣能成命

爲信信載義公曰所謂民與天地相參者何謂也子

而行之爲利

曰天道以視地道以履人道以稽廢一曰失統恐不

長饗國

參之言三也鄭注說卦傳云三才天地人之

見吉凶所以示人也三垂日月星也爾雅曰履禮也

樂記曰禮以地制廣雅云稽考也表記曰考道以爲

無失鄭注云能將仁義之一成之以不失於

人易曰立人之道曰仁與義統謂紀綱也公愀然

其色子曰君藏玉惟慎用之雖慎敬而勿愛民亦如

之執事無貳五官有差喜無竝愛卑無加尊淺無測

深小無招大此謂楸機楸機賓薦不蒙昔舜徵薦此

道於堯堯親用之不亂上下楚語曰玉足以庇蔭嘉

之愛吝也左氏昭十七年傳曰寶以保民也子何愛焉貳疑也差等也喜並愛者左氏閔二年傳曰內寵

並后發子配適也淺謂新進也招讀曰翹危也爾雅曰意度也淺測深者新開舊也

楸謂之梁釋文引呂伯雍云門樞之橫梁機樞機也易曰樞機之發榮辱之主也賓敬也薦進也蒙言亂

也徵明也此道謂楸機之道公曰請問民徵中庸曰君子之道了

曰無以為也難行公曰願學之幾必能也幾望子曰貪

於味不讓妨於政願富不久妨於政慕寵假貴妨於

政治民惡眾妨於政為父不慈妨於政為子不孝妨

於政大縱耳目妨於政好色失志妨於政好見小利

妨於政變從無節撓弱不立妨於政剛毅犯神妨於

政鬼神過節妨於政左氏文十八年傳曰縉雲氏有

年傳曰先王之濟五味以平其心成其政也多畜財

貨曰富說文云慕習也寵謂外寵假僭也貴爵位也

習狎外寵僭與爵位左氏閔二年傳曰外寵貳政也

變改也從因也撓弱屈弱也剛強也毅敢也剛毅犯

神者墨子非命云紂夷處不肯事上帝鬼神幼勿與

禍厥先神視不祀鬼神過節者黷于祭祀也

眾克勿與比依勿與謀放勿與游微勿與事幼少也

眾左氏襄三十一年傳曰子皮欲使尹何為邑子產

曰少未知可否克好勝也比校也依謂依違言不專

決也故縱也微抄也論

語曰惡微以為知者

臣聞之弗慶非事君也君聞

之弗用以亂厥德臣將慶其簡者聞之謂有所聞若

嘉謀嘉猷慶善也

善臣皆容悅而已

蓋人有可知者焉貌色聲眾有美

大哉禮記釋古卷之七

焉必有美質在其中者矣貌色聲眾有惡焉必有惡

質在其中者矣容貌顏色聲氣人之表儀也眾多也禮器曰增美質節注云質猶性也

此者伯夷之所後出也此者即民徵之道貪於味以下見也伯夷之所後出者上

文伯夷為此二帝之少乃子曰伯夷建國建政脩國

脩政公曰善哉建立也脩治也政者國之本也

虞戴德弟七十

公曰昔有虞戴德何以深慮何及高舉安取虞舜氏

民戴其德慮思也高大也遠也舉猶行也謂行政也安亦何也取謂取法子曰君以聞之

唯邱無以更也君之聞如未成也黃帝慕脩之君以

已成猶備也慕思慕也脩勉也言君於四代之政刑已聞之矣若以所聞未備則更於黃帝之道思慕而

勉求之武王踐阼曰黃帝顓頊之道存乎意曰明法

亦忽不可得見與孔穎達云意言意恆念之于天明開施教于民行此以上明于天化也物必起

是故民命而弗改也

曰孔子更端之辭明謂君之明法效法也天明謂天象易曰天

垂象見吉凶聖人象之開通也君者所明也明乃能通達施教于民行此者用此也天化天道也物事也

謂國事也起興也公曰善哉以天教于民可以班乎

子曰可哉雖可而弗由此以上知所以行斧鉞也

班

也由從也上知謂賢聖之君斧鉞軍戮也魯語曰大刑用甲兵其次用斧鉞父之於子天

也君之於臣天也有子不事父有臣不事君是非反

天而到行邪故有子不事父不順有臣不事君必刃

順天作刑地生庶物

刃逆也鋌刀鋸之刑順天作刑者王制

曰凡制五刑必即天論鄭注云必即天論言與天意合地生庶物者刑以順天亦以法地殺之所以生之孔子閒居曰地載神氣神氣風霆流形庶物露生無非教也王符潛夫論述赦云養稊稗者傷禾稼惠姦宄者賊良民書曰文王作罰刑茲無赦先王制刑非好傷人肌膚斷人壽命乃以威姦懲惡除民害也

是故聖人之教于民也率天如祖地能用民德是以高舉不過天深慮不過地質知而好仁能用民力此三常之禮明而名不蹇

率遵也如讀曰而祖法也易曰崇效天卑法地能用民德者詩曰民之秉彝好是懿德又曰羣黎百姓徧爲爾德質本也三者天地人也左氏昭二十五年傳曰夫禮天之經也地之義也民之行也大禮失則壞傳曰名者人治之大者也易曰蹇難也

名失則悖

壞敗也悖亂也禮失則名不正經解曰是以舊禮爲無所用而去之者必有亂患

故上古不諱正天名也天子之官四通正地事也天

子御琤諸侯御茶大夫服笏正民德也斂此三者而

一舉之戴天履地以順民事上古不諱者左氏桓六年傳曰周人以諱事神

名終將諱之孔疏云自殷以往未有諱法諱始於周

正天名者古之王者太子生三月君名之有司見之

南郊見之天也通達也官四通者書曰闢四門明四

目達四聰也正地事者地道九達也御服皆器用之

名尊者謂之御玉藻曰天子搢珽方正於天下也諸

侯茶前誦後直讓於天子也大夫前後誦無所不讓

也又曰笏大夫以魚須文竹正民德者易曰辨上下

定民志也斂取也三者謂天名地事民德一同也舉

行也天子告朔於諸侯率天道而敬行之以示威于天

下也太史職曰正歲年以序事頒之于官府及都鄙

頒告朔于邦國先鄭云以十二月朔布告天下

諸侯率循也書曰欽若昊天厯象日月星辰敬

授人時爾雅曰威則也言示法則於天下也諸侯

內貢於天子率名數地實也是以不至必誅內入也小行人

職曰令諸侯春入貢貢疏云即大宰九貢是歲之常貢也率循也名者侯甸男采衛要服之名敬讀曰效獻也地實者土地所宜有職諸侯相見卿爲介以其方氏曰制其貢各以其所有

教士畢行使仁守會朝於天子

諸侯相見者六服各方諸侯將時會天子

先自相見也曲禮曰諸侯未及期相見曰遇相見於卻地曰會卿爲介者朝事曰諸侯介紹而相見君子於其所尊不敢質教士謂諸侯領宮所教之士王制曰天子命之教然後爲學教士舉行者射義曰古者天子之制諸侯歲獻貢士於天子天子試之於射宮守居守其國也荀子大略云使仁居守楊注云使仁厚者主後事穀梁傳曰智者慮義者行仁者守然天後可以會矣會朝者周禮曰時見曰會春見曰朝天子以歲二月爲壇於東郊建五色設五兵具五味陳六律品奏五聲聽明教
爲壇於東郊者司儀職曰將合諸侯則令爲壇三成宮旁
一門鄭注云合諸侯謂有事而會也天子春帥諸侯拜日於東郊則爲壇於國東建五色者左氏桓二年

已曰五色比象昭其物也杜注云車服器械之有五
已皆以比象天地四方以示器物不虛設品同也品
奏者同五聲於六律也聽平治也明教
謂戒令周禮曰誥用之於會同是也
規鵠堅物云置設也方言云羅謂之離離謂之羅郭注
侯君侯也抗舉也鄭箋云舉者舉鵠而棲之於侯也
孔疏云謂之侯與鵠者司裘注云謂之侯者天子中
之則能服諸侯以下中之則得為諸侯謂之鵠者取
名鵠鵠也鵠鵠小鳥而難中亦取名鵠之言較較者
直也射所以直己志也聘珍謂規正也堅定也物謂
射時所立處也大射儀曰工人士與梓人升自北階
兩楹之間疏數容弓若丹若墨度九卿佐三公三公
尺而午射正洫之鄭注云畫物也
佐天子漢書百官公卿表云周官太師太傅太保是
為三公蓋參天子坐而議政無不總統故不
以一職為官名又立三少為之副少師
少傅少保是為孤卿與六卿為九焉
天子踐位諸
侯各以其屬就位乃升諸侯諸侯之教士教士執弓

挾矢揖讓而升履物以射其地心端色容正時以教

伎時有慶以地不時有讓以地踐位者郊壇南鄉之位諸侯各以其屬就

位者鄭注司儀云諸侯上介皆奉其君之旌置於宮

王升壇諸侯皆就其旌而立諸公中階之前北面東

上諸侯東階之東西面北上諸男門西北面東上諸侯

謂執玉而前見天子也鄭云諸侯授王玉升諸侯之教

拜升成拜明臣禮也既乃升堂試貢士於郊壇樂記

士謂司射誘射也朝會諸侯而升履物以射其地者大

曰散軍而郊射是也揖讓而升進上射在左並行當階北

射儀曰上耦出次西面揖進上射從之中等上射升

面揖及階揖上射先升二等下射從之中等上射升

堂少左下射升上射揖並行皆當其物北面揖及物

揖皆左足履物還視侯中合足而侯司射命射退反

位乃射上射既發挾矢而後下射射拾發以將乘矢

地謂郊壇之地也心端者內志正也色容正者外體

直也時是也教讀曰校謂考校也伎藝也言若是以

射諸侯教士之藝也慶讓以地者射義曰射中多者

得於祭數與於祭而君有慶數有慶而益地中少不得與於祭數不與於祭而君有讓數有讓而削地

天下之有道也有天子存國之有道也君得其正

家之不亂也有仁父存是故聖人之教於民也以其

近而見者稽其遠而明者

近謂近身之德行道藝見顯也稽考也遠謂事君事

長使眾之道明通也曾子立孝曰未

有治而能仕可知者先脩之謂也天事曰明地事

曰昌人事曰比兩以慶違此三者謂之愚民愚民曰

姦姦必誅是以天下平而國家治民亦無貸居小不

約居大則治眾則集寡則繆祀則得福以征則服此

唯官民之上德也

明謂縣象著明廣雅云昌光也易曰含萬物而化光坤道其順乎承

天而時行比者相比附也兩謂天地左氏昭二十五

年傳曰天地之經而民實則之則天之明因地之性

虞善也。泉府職曰：凡民之貸者，與其有司辨而授之。以國服爲之息。先鄭云：貸者，從官借本買也。居蓄也。積也。小少也。約猶窮也。太謂富之廣也。治不亂也。坊記曰：小人貧斯約，富斯驕。約斯盜，驕斯亂。故聖人之制富貴也，使民富不足以驕，貧不至於約。集和公曰：繆讀曰穆，安靜也。官君也。官民猶云君天下也。公曰：三代之相授，必更制典物道乎？子曰：否。猷德保，保婚乎？前以小繼大，變民示也。更制典物者，大傳曰：立權色殊徽號，異器械，別衣服，此其所得與民變革者也。否不也。言三代之君，非好爲更制也，猷謀也。德謂德政，保定也。謂三代更制典物，是謀以德定天下也。恃亂也。保婚乎？前謂定前朝之亂，以小繼大者，三代以侯國受天命也。示讀曰視。公曰：善哉！子之察教我。也。子曰：邱於君唯無言，言必盡於他人，則否。公曰：教他人，則如何？子曰：否。邱則不能。昔商老彭及仲傀政之。

參大夫官之教士技之教庶人揚則抑抑則揚綴以

德行不任以言庶人以言猶以夏后氏之祔懷袍褐

也行不越境論語曰竊比於我老彭包云殷賢大夫也

辭以為湯左相政教大夫者魯語曰卿大夫晝講其

庶政官猶事也魯語曰士朝而受業晝而講貫夕而

習復技謂藝事周禮曰以世事教能則公曰善哉我

民不失職綴合也言道藝合以德行也

則問政子事教我子曰君問已參黃帝之制制之大

禮也制法也禮公曰先聖之道斯為美乎子曰斯為

美雖有美者必偏偏謂不周備也言唯先聖之道屬

於斯昭天之福迎之以祥作地之福制之以昌興民

之德守之以長公曰善哉言先聖之道所以為美也

祥善也昌謂各遂其生也

長久也。易曰：聖人久於其道，而天下化成。

誥志第七十一

公曰：誥志無荒，以會民義。齋戒必敬，會時必節。犧牲必全，齊盛必潔。上下禋祀，外內無失節。其可以省怨

遠災乎？誥志：國之舊典，禮經也。荒，廢也。大祝職曰：作

掌邦國之志，會合也。民義，民道所宜也。論語曰：務民

之義，坊記曰：七日戒，三日齊，以教敬也。會期也。必節

者，不疏不數也。犧，牲純色之牲，全體完具也。黍稷曰

齊，在器曰盛。上下，謂天神地祇。周語曰：精意以享，謂

之禋，外謂外祭。祀，四方百物也。內，謂內祭。祀，宗廟及

月令五祀之類。節，禮節也。省，減也。怨，謂神怨。詩曰：神

何時怨災？謂水旱癘疫之害。

子曰：邱未知其可以省怨也。公曰：然則何以事神？子曰：以禮會時。禮器曰：禮也者，合於天

時，設於地財，順於鬼神。

合於人心理萬物者也又曰禮時爲大夫民見其禮則上下援援則樂

樂斯毋憂以此省怨而亂不作也左氏桓六年傳曰民神之主也見猶

知也援引也謂引而親之也怨謂神怨亂民亂也夫省怨而亂不作者晉語曰意寧百禋而柔和萬民夫

禮會其四時四孟四季五牲五穀順至必時其節也

邱未知其可以爲遠災也禮謂禮文順循也鄭注樂

至必時其節者按其禮文循行故事不失其時節未可以遠災者禮文雖具民不和神不享矣公曰

然則爲此何以子曰知仁合則天地成天地成則庶

物時中庸曰成己仁也成物知也性之德也合外內

萬物之道也故時措之宜也又曰致中和天地位焉

露無非教也地載神氣神氣風霆風霆流形庶物露生無非教也庶物時則民財敬民財敬以時作財謂財用

敬也左

事杜注云順時命事時作則節事節事以動眾動

眾則有極動不失時則事得其節左氏成十六年傳

旋不逆求無不有極以使民則勸勸則有功王制曰

具各知其極不有極以使民則勸勸則有功食節事

時樂事勸功有功則無怨無怨則嗣世久唯聖人左

尊君親上昭二十年傳曰有德之君上下無怨動無違事是以

鬼神用饗國受其福易曰知進退存亡而不失其正

者其唯是故政以勝眾非以陵眾眾以勝事非以傷

聖人乎是故政以勝眾非以陵眾眾以勝事非以傷

事事以靖民非以徵民故地廣而民眾非以為災長

之祿也政謂力役之政勝任也周禮曰大役之禮任

怨也左氏昭三十二年傳曰無徵怨於百邱問周太

姓災害也廣雅云長君也爾雅曰祿福也邱問周太

史曰政不率天下不由人則凡事易壞而難成率循

也天

謂天時由從虞史伯夷曰明孟也幽幼也明幽雌雄也人謂人心

也雌雄迭興而順至正之統也陽曰明孟長也陰曰

云日月雄雌之序范注云日為雄月為雌迭代也中

庸曰日月之代明也順循也各循其道也至行也正

謂正朔年始也統紀也建曰歸于西起明于東月歸

正以日月之行為紀也陽之分鄭注云大明生於東月生於西此陰

于東起明于西禮器曰大明生於東月生於西此陰

而西方而東行虞夏之厯正建於孟春史記厯書云昔

作於孟春索隱云古厯者謂黃帝調厯以前有上元

太初厯等皆以建寅為正謂之孟春及顧項夏禹亦

然唯黃帝及殷周魯並建子為正而秦正建亥漢初

因之至武帝元封七年始改用太初厯仍以周正建

子為十一月朔旦冬於時冰泮發蟄百草權輿瑞雉

無釋泮解散也月令曰孟春之月東風解凍蟄蟲始

輿始也百草始生也瑞雉無釋者夏小正曰正月雉震响正月必雷雷不必聞惟雉為必聞雷則雉震响也無釋者應候而鳴不遺其時也物乃歲俱生於東

以順四時卒于冬分於時雞三號卒明載于青色撫

十二月節卒于丑物謂萬物歲謂歲星俱生於東者

酒義曰東方者春春之為言蠢也產萬物者聖也說

文云歲木星也越歷二十八宿宣徧陰陽十二月一

次天官書云歲星十二歲而周天出常東方以晨釋

名云四時四方各一時史記索隱云卒于冬分卒盡

也言建麻起孟春盡季冬則一歲之事具也冬盡之

後分為來春故云冬分也三號三鳴也言夜至雞三

鳴則天曉乃始為正月一日言異歲也聘珍謂載始

也青東方之色東方春位其色青也撫徧也卒于丑

者史記律書云十二月律中大呂大呂者其於十二

子為丑丑者紐也言陽氣在上未降萬物厄紐未敢

出日月成歲麻再閏以順天道此謂歲虞汁月也成

月成歲麻者曾子天圓曰聖人慎守日月之數以察
星辰之行以序四時之順逆謂之麻書曰以閏月定
四時成歲鄭注云以閏月推四時使啟閉分至不失
其常著之用成歲麻再閏以順天道者王氏尚書後
案云攷天體至圓繞地左旋日月皆右旋以麗天之
故皆為天所曳而左轉晝夜之分必以日之周而為
限日為天所曳而繞地一周之間已右行二千九百
三十二里千四百六十一分里之間已右行二千九百
以此所行之里數為天之度故日一晝夜行一度
也日右行一度則比日之度而天之左旋者過一度
矣積三百六十五日四分日之一而周復其故處故
分周天之度為三百六十五日四分日之一而周復
日行之數也月行通率每日十三度四十分度之一
積二十七度九百四十分日之三十一度四十分度
天自前月合朔以來比月之周天而日又行二十七
度有奇矣故必更越二日凡二十九日九百四十分
日之四百九十九而復與日會是為一月十二會得
全日三百四十八餘分之積又五千九百八十八如
日法九百四十四而一得六不盡三百四十八通計得
日三百五十四日九百四十分日之三十一度四十分

一歲月行之數也歲有十二月月有三十日三百六十者一歲之常數也故日與天會而多五日九百四十分日之二百三十五為氣盈月與日會而少五日九百四十分日之二百三十五為朔虛合氣盈朔虛一歲閏率則十日有奇三歲一閏率則一月則置閏焉故一歲閏率則十日有奇三歲一閏率則一月則置閏焉故奇五歲再閏則五十四日有奇十有九歲七閏則氣朔分齊是為一章也聘珍謂虞度也汁合也月謂閏月歲虞汁月者度歲之氣也天曰作明句曰與句惟天盈朔虛而合之以閏月也地曰作昌句是戴生也釋名云戴戴載也載之於頭也與地曰作昌是戴生也釋名云戴戴載也載之於頭也與地曰作昌

曰與惟地是事書考靈曜云審地理者昌昌者地之財也易曰至哉坤元萬物資生周禮

曰以任地事人曰作樂曰與惟民是嬉樂記曰樂其所以生百物人曰作樂曰與惟民是嬉樂記曰樂其

樂也天地人皆曰與古詁與曰生易曰天地之大德曰生禮運曰人者天地之心也五行之端也食味別

聲被色而生者也左氏成十三民之動能不遠厥事

年傳曰民受天地之中以生

民之悲色不遠厥德地事勤勤也能力也遠達也事謂

念也色謂形色德天德也孟子曰形色天性也顧念

形色不違天德大甲曰顧諟天之明命也書曰而康

攸好德此謂表裏時合物之所生而蕃昌之道如

此表裏外內也言民外動不違地事內念不違天德

則正德利用厚生矣樂記曰民有德而五穀昌

天生物地養物物備興而時用常節曰聖人主祭于

天曰天子易曰備物致用立成器以爲天下利莫大

也天子崩步于四川代于四山卒葬曰帝賈氏周禮

步與酺字異音義同顏注漢書文帝紀云酺之爲言

布也四川謂四瀆江淮河濟也步于四川者布告四

川也薛注東京賦云代謝也晉灼云以辭相告曰謝

冀之霍山是也左氏隱元年傳曰天子天作仁地作

富人作治樂治不倦財富時節是故聖人嗣則治帝五
德曰其仁如天白虎通云仁者好生說文云富厚也
易曰坤厚載物作治者易曰聖人南面而聽天下嚮
明而治財地財也時謂天時郊特牲曰取文王治以
財於地取法於天嗣繼也言繼天而王也
俟時俟待也詩曰湯治以伐亂伐謂征伐孟子曰湯
而無敵禹治以移眾眾服以立天下夏本紀云禹命
於天下諸侯百姓興徒人以傳土行山表堯貴以樂治時舉
木與高山大川服悅服也立泣也堯貴以樂治時舉
舜堯貴者帝繫曰帝嚳產放勳是為帝堯史記云帝
堯堯崩而弟放勳立是以貴繼統也以樂者四海之
內莫不說夷也治時者五帝德曰放勳四時先民治
之書曰欽若昊天厯象日月星辰敬授人時孟子曰
堯獨憂之舉舜治以德使力謂羣臣之功書曰臣作
舜而敷治焉朕股肱耳目予欲宣力四方汝為在國統民如怨在
論語曰舜有臣五人而天下治

家撫官而國安之勿變勸之勿沮民威廢惡如進民

上誘善而行罰百姓盡於仁而遂安之此古之明制

之治天下也鄭注大字云統所以合率以等物也如

事也而國讀曰如如進讀曰而如而古文通也良善

也誘道也罰罰惡也越語曰必有以知天地之恆制

乃可以有天下之成利此總仁者爲聖貴次力次美

次射御次古之治天下者必聖人表記曰仁者天下

義曰貴貴爲其近於君也周禮曰治功曰力美善也

謂有善行也王制曰執技以事上者裸股肱決射御

此言聖人治天下聖人有國則日月不食星辰不隕

勃海不運河不滿溢川澤不竭山不崩解陵不施谷

川浴不處深淵不涸虧毀曰食昏義曰男事不脩陽

順不脩陰事不得適見於天月為之食隕落也左氏

莊七年傳曰星隕如雨勃大也爾雅曰運徙也大阜

曰陵施讀曰移移谷者詩曰高岸為谷深谷為陵也

浴讀曰谷爾雅曰水注川曰谿注谿曰谷說文云處

止也不處者川谷之水不壅止也於時龍至不閉鳳

深淵者水之府奧也涸猶竭也

降忘翼螫獸忘攫爪鳥忘距蜂蠆不螫嬰兒蜚虺不

食天駒國閉塞也左氏昭二十九年傳曰古者畜龍故

乃至若泯棄之物乃坻伏鬱湮不育杜注云湮塞也

翼飛也禮運曰鳳以為畜故鳥不獮孔疏云獮驚飛

也螫獸者夏小正曰熊羆貉豸鼪鼯則穴言螫也攫

搏也爪鳥驚鳥也距者爪相抵也廣雅云蠆蠆也陸

氏釋文云通俗文云長尾為蠆短尾為蠆說文云螫

蟲虫行毒也蜚虺讀曰蜚蠆蜚蠆留人飛蟲天駒吻

蟻也淮南天文云蜚蠆不食駒蟻雒出服河出圖自上世以來莫不

降仁國家之昌國家之滅信仁

說文云洛水出左馮翊歸德北夷界中

降仁國家之昌國家之滅信仁

南入渭河水出燁煌塞外昆侖山發原注海服當爲
符易曰河出圖洛出書聖人則之鄭注云春秋緯云
河以通乾出天苞洛以流坤吐地符河龍圖發洛龜
書成河圖有九篇洛書有六篇也漢書五行志載劉
歆說云伏犧氏繼天而王受河圖則而畫之八卦是
也禹治洪水賜洛書法而陳之洪範是也降歸也呂
盛也臧善也孟子曰三是以故不賞不罰如民咸盡力
代之得天下也以仁
車不建戈遠邇咸服允使來往地賓畢極無怨無惡
率惟懿德此無空禮無空名賢人竝憂殘毒以時省
舉良民舉善善恤民使仁日敦仁賓也中庸曰不賞而民勸不怒而民威於鈇鉞說文云戈平頭戟也考工記曰車軫四尺謂之一等戈秘六尺又六寸既建而適車不建戈無非常之變也爾雅曰允緇也允使來往者左氏襄二十九年傳曰公卿大夫相繼於朝也爾雅曰賓服也畢盡也又曰東至于泰遠西至于邠國南至于濮鈴北至于祝栗謂之四極空虛也左氏莊十八年

傳曰名位不同禮亦異數不以禮假人賢人謂賢臣
爾雅曰憂思也左氏襄二十五年傳曰政如農功日
夜思之殘毒賊害人者省察也敦敦教也仁愛也賓敬
也孝經曰立愛自親始教民睦也立敬自長始教民
順也

大戴禮記解詁卷之九終

姪嘉會校刊